



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

2. In leones, lupos, vrsos, & crocodilos vis à Deo, non ab astris concessa.

urn:nbn:de:hbz:466:1-45686

Iud. 16. 6.

1. Reg. 17. 34

II.

Dan. 6. 22.

In prat. Spir.
cap. 125.Theodoret.
in hist. Relig.
cap. 6.
Loc. cit.Manil. lib. 4.
Iuven. lib. 5.

tiam velut in integrum reductam, & ad Paradisi exemplum concessam. Samsonem quis nescit Hebræorum Herculem? Irruit Spiritus Domini in Samson, & dilaceravit leonem, quasi hadum in frustis discerpens, nihil omnino habens in manu. De se, dixit David ad Saul: Pascebat seruus tuus patris sui gregem, & veniebat leo vel ursus, & tollebat arietem de medio gregis, & persequerbar eos, & percutiebam, erubamq; de ore eorum, & illi consurgebant aduersum me, & apprehendebam mentum eorum, & suffocabam, interficiebamq; eos. Nam & leonem, & ursum interfeci ego seruus tuus. Quæ non dicebat iactabundus, sed vt DEI vires in se ostenderet.

Qua de causa etiam Daniel, in medio leonum, quasi inter fidissimos satellites, tutus assedit; hinc innocentia, inde Angelum eum protegente. Idcirco ait: Deus meus misit angelum suum, & conclusit ora leonum, & non nocuerunt mihi: quia coram eo iustitia inuenta est in me: sed & coram te, rex, delictum non feci. Leonem pro imperio, de via decedere iussit Abbas Sergius, vt pecora tuto itinere irent. Zosimo quoque Abbati paruit agrestis Leo. Alius iussus capere leonem, obedientiâ adjunctice, cepit, atque velut agnum ad Abbatem adduxit. Simonides monachus viatoribus leones, in viâ monstratores attribuit. De admirando, per D. Franciscum, circum-rato lupo, itidem alibi docui. Certè, mandato Eustorgij Mediolanensis Episcopi, lupo iugo se submitit, & currum traxit, cuius duo iumenta violentus raptor deuorarat. Quo pacto etiam S. Corbiniani Episcopi Frisingensis Romam euntis, cum ursus alium lacerasset, deuorati loco, ipse sarcinam vectauit, imperanti sancto præfule, ex prædone præda factus, & patiens capistri. Helenus Abbas fatigatus sarcina, quam ferebat, onagram iussit accedere, & dorsum oneri submittere. Paruit fera: & quam longè sancto placuit, onus ipsum peruexit. Idem à reperto crocodilo flumen transuectus est, cum neque pons adesset, nec portitor appareret. Hanc vim sanctitas atque innocentia meretur, & confertur aëtherum Conditor, non astra, vt voluit Manilius, qui mansuetarum, per siderum impressionem dari putat, Exorare tigres, vbiemq; auferre leoni. Nam de eo, qui sub leone, & scorpio nascitur, ait

Ille manu vastos poterit frenare leones,
Et palpare lupos, pantheris ludere captis.

Neque